

لا إله إلا الله

DËSHMIA “LA ILAHE IL-LALLAH” DHE KUSHTET E SAJ

Argumenti i kësaj dëshmie:

Fjala e Allahut:

فَاعْلَمْ أَنَّهُ لَا إِلَهَ إِلَّا اللَّهُ

“Dije se nuk ka zot që meriton të adhurohet përveç Allahut.”

(Kuran, 47:19)

Shtyllat e kësaj dëshmie:

1. Mohimi “la ilahe”

(Nuk ka të adhuruar).

Domethënë: Ta mohosh adhurimin e çdo gjëje që adhurohet në vend të Allahut.

2. Pohimi ose vërtetimi “il-lallah” (përveç Allahut).

Domethënë: T’ia pohosh adhurimin vetëm Allahut, i Cili nuk ka rival.

Domethënia e dëshmisë “la ilahe il-lallah”:

“Nuk ka të adhuruar me të drejtë përveç Allahut.”

Kur i bën dobi njeriut fjala “la ilahe il-lallah”?

1. Në qoftë se e di domethënien e saj.
2. dhe, njëherazi, punon me atë që e kërkon kjo fjalë.

لا إله إلا الله

KUSHTET E FJALËS “LA ILAHE IL-LALLAH”

Fjala “la ilahe il-lallah” nuk i bën dobi atij që e thotë në qoftë se nuk i jetëson kushtet e saj, të cilat po i përmendim në vijim:

1

Dituria (العلم) e cila e kundërshton mosdijen.

Domethënia: Ta dish kuptimin e fjalës “la ilahe il-lallah”, gjegjësisht kuptimin e mohimit dhe pohimit që e përmban ajo.

2

Bindja (اليقين) e cila e kundërshton dyshimin.

Domethënia: Ai që e thotë këtë fjalë duhet të jetë plotësisht i bindur se vetëm Allahu është i Adhuruari i Vërtetë, pra se vetëm Ai meriton të adhurohet.

3

Sinqeriteti (الإخلاص) i cili e kundërshton shirkun.

Domethënia: T’ia kushtosh të gjitha ibadetet (adhurimet) vetëm Allahut dhe askujt tjetër.

4

Vërtetësia (الصدق) e cila e kundërshton gënjeshtren.

Domethënia: Ta shqiptosh fjalën e Teuhidit (fjalën “la ilahe il-lallah”) duke qenë i vërtetë në atë që e thua, pra që zemra jote të jetë në përputhje të plotë me atë që e shqipton gjuha.

5

Dashuria (المحبة) e cila e kundërshton urrejtjen.

Domethënia: Ta shqiptosh këtë fjalë duke e dashur Allahun dhe të Dërguarin e Tij dhe njëkohësisht ta duash këtë fjalë dhe gjithçka që nënkupton ajo.

6

Nënshtrimi (الانقياد) i cili e kundërshton lënien e tij.

Domethënia: Ta adhurosh vetëm Allahun, t’i nënshtrohesh sheriatit (ligjit) të Tij, ta besosh atë (sheriatin) dhe të jesh i bindur se ai është i vërtetë.

7

Pranimi (القبول) i cili e kundërshton refuzimin.

Domethënia: Ta pranosh këtë fjalë dhe atë që nënkupton ajo, gjegjësisht t’ia kushtosh tërë adhurimin vetëm Allahut dhe të mos adhurosh askënd tjetër.

8

Mohimi i çdo gjëje që adhurohet në vend të Allahut.

Domethënia: Të largohesh nga adhurimi i çdo gjëje që adhurohet në vend të Allahut, duke qenë i bindur se çdo adhurim që i kushtohet dikujt tjetër përveç Allahut është i kotë.